

Zeitschrift: Clubnachrichten / Schweizer Alpen-Club Sektion Bern
Herausgeber: Schweizer Alpen-Club Sektion Bern
Band: 72 (1994)
Heft: 4

Rubrik: JO-Ecke

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 18.01.2025

ETH-Bibliothek Zürich, E-Periodica, <https://www.e-periodica.ch>

JO-Ecke

Skihohtourenwoche Arolla–Arolla (Saas Fee)

10.–16. April 1994

Leiter: K. Saurer

10 Teilnehmer/innen:


Um gwüsse Wiederholigscharakter ds vermyde und de Megapenner e Challengeufenthalt ds erspare, vö mer doch am Sunnti a, wo mer vo Arolla i d Vignettehütte ufe si. Derzue gits nid viu ds verzöue, höchstens, dass sech ds Meieli scho het müesse bemerkbar mache: «Wär het e schwäre Rucksack?...»

Über d Tour uf d Pigne d'Arolla: aui Megapenner hei öppis verpasst. Die nächschste Tage tritt ds Schlächtwätterprogramm i Chraft. Ds Kader gwinnt jeglich Küssischlacht überläge. Es git zwar ds rede, aber sie chöi dr mit umgah. Süsch gäbs de immer no e Workshop. Dr eint Chranknig kämpft sich dr Schissiriss, Gat, samt Carrera-Schutzschi-u-Schneebrille ufe, obwou ds WC scho längscht igschneit isch und sich die gäubbrune Spure scho diräkt vor d Tür vor Vignette verlageret hei. Ds Motto vor Vignette: «Es lebe der Dreck». Mitti Wuche amüsiere mir

üs de ir Schneebar vo Arolla. Nid aui möges verlide. Bi nes paar Sunnestrahle gwinne mir dr Wettlounf i ds Bouquetinbiwak gäge d Britains knapp, aber souverän. Und das zwar dank em Küre, wiu er zum Coiffeur isch und derfür es Auto het. Nume dr Gorilla isch mit sire Banderer gsi, und het dr Grossteil vo de Better i Aspruch gno. Aber vier Bett für üs zäh Lüt isch o nid schlächt!

Übrigens, wes Dir nid weit läse, schribet's uf. Trotz mörderischer Hitz und herrliche Usdünschtige jeglicher Art überläbe mir die Nacht. Sie het üs derfür e Meter Nöischnee vor d Türe gheit. Es lebe das Spuren! Üse nächscht «8000er»: D Schneebar vo Arolla. Zum Glück hautet üs üse Turnlehrer mit sine Turnübige a de Bettgschtell fit. Leider wärde d Bei trotz ufekreplete Hose bim intensive Schneefall nid brüner. Trotz gwüssem Wiederholigscharakter bestiege mir am Samschtmorge früh no e chlinere «6000er» und gniesse endlich die tolli Bruchharschtabfahrt nach ere Wuche müesamem Pulverschnee! Brünu, dr Megapenner: «Stand, usklinke, doch dr Küre isch bim Coiffeur, dr Bene scho dehei, auso beände mir die Wuche.

D Equipe «Haute-Route»



Verkauf und Service von

elektrischen Haushaltgeräten
wie Waschautomaten, Wäschetrockner,
Herde, Kühl- und Gefriergeräte,
Staubsauger usw.

Heinz Räss Elektromaschinen, Bern

Werkgasse 20, 3018 Bern, Telefon 031 992 34 65

Fax 031 992 82 59

AEG